

## La SSR – sport per l'entira Svizra



Funtauna: ©Keystone

La SRG SSR mussa l'entira varietad dal sport. Ella è qua per tuts, per la maioritad e las minoritads, en tut las parts dal pajais – en la televisiun, al radio ed online.

### La Svizra – ina naziun da sport

- Stgars **quatter tschintgavels** da las Svizras e dals Svizzers persequiteschan eveniments da sport en las medias. Il sport pledentescha las pli differentas gruppas socialas, independentamain da la lingua, vegliadetgna, schlattaina e derivanza.
- **69 pertschient** da la populaziun svizra fan almain ina giada, 42 pertschient pliras giadas ad emna **sport**. 10 pertschient sa movan schizunt mintga di. Sulettamain mo in quart definescha sasez sco smarschun e na fa nagin sport.
- Spezialmain popularas èn **reportaschas en directa**, ellas èn mintg'onn a la testa da las topemissiuns en la televisiun.



Funtauna: ©Keystone

### Cifras en connex cun il program

L'onn 2016 han guardà en media **2,2 milliuns** aspectaturas ed aspectaturs en l'entira Svizra almain 15 minutus ad emna emissiuns da sport sin ils chanals da televisiun da la SSR, quai correspunda a **bunamain in terz** da la populaziun.

Durant l'UEFA EURO 2016 han 2,2 milliuns aspectaturas ed aspectaturs guardà il gieu da ballape tranter la Frantscha e la Svizra sin SRF zwei, RTS Deux u RSI LA 2. Quai è ina part dal martgà da 65 pertschient (rating e part dal martgà, gruppera en mira 3+, Svizra, overnight).

En media han 1,3 milliuns aspectaturas ed aspectaturs persequità en directa sin SRF zwei, RTS Deux u RSI LA 2 la cursa rapida dals Campiunadis mundials da skis 2017 a San Murezzan che Beat Feuz ha gudagnà. Quai correspunda ad ina part dal martgà da 71,9 pertschient.

Funtaunas: Sport Schweiz 2014, perscrutaziun dal martgà e dal public SSR 2016/2017

## Sport – per l'entira Svizra

- Il program da sport svizzer per la Svizra: la SSR metta en il center sportistas e sportists svizzers e porscha in program che s'orientescha a **basegns svizzers**.
- La SSR accumpogna las activitads dal sport svizzer en Svizra ed a l'exterior ed è al puls, cura ch'i vegn scrit istorgia da sport svizra.
- Ils emetturs linguistic-regiunals RTR, SRF, RTS e RSI emettan ils eveniments da sport actuals dal di en **tut las parts dal pajais ed en regiuns perifericas**.



Funtauna: ©Keystone

### Cifras en connex cun il program

L'onn passà ha la SSR emess en la televisiun, al radio ed online passa **12000 uras sport**, da qui bunamain **5000 uras en directa**. Cumpareglìa cun l'onn 2011 è l'entir volumen da sport s'augmentà per 36 pertschient, u ditg auter: 3000 uras dapli sport dapi il 2011. En il medem spazi da temp èn las emissiuns en directa s'augmentadas per 57 pertschient. Quai correspunda a passa 1500 uras dapli sport en directa.

La SSR na rapporta betg mo en la televisiun, mabain er al radio ed online davart evenimenti da sport e cuntanscha uschia ina derasazion unica en l'entira Svizra. Cun sia purschida trimediala ed ils emetturs linguistic-regiunals RTR, SRF, RTS e RSI cuntanscha la SSR mint'emma **94 pertschient da la populaziun svizra**.

Funtauna: perscrutaziun dal martgà e dal public SSR 2016

## Sport – en sia entira varietad

- Ils cuntegns da sport sa spostan en l'entira Europa adina pli fitg en il sectur da pay-tv. La **SSR** garantescha ch'i stat a disposiziun en Svizra ina purschida da sport varianta via **free-tv**.
- En general domineschan paucas disciplinas las reportaschas medialas. La pli gronda attenzion survegnan uschenumnadas **disciplinas da premium**, a la testa ballape, ski alpin, tennis e hockey sin glatsch.
- La SSR dat dentant er a disciplinas ch'èn main en il focus medial ina plattaforma prominenta.
- La SSR tgira cultura, **tradiziun ed usits** en il sport ed emetta tranter auter mintg'onn ina gronda festa da lutga.



Funtauna: ©Swiss Paralympic/Martin Rhyner

### Cifras en connex cun il program

La SSR ha rapportà ils ultims onns da var **100 disciplinas**, e da qui da passa 20 disciplinas regularmain en directa. In program multifar ch'è unic en il free-tv en l'entira Europa.

L'onn da sport 2016 han ils emetturs linguistic-regiunals RTR, SRF, RTS e RSI da la SSR emess passa **1300 uras en directa davart sports ch'èn pli pauc en il focus medial**, tranter auter il ballarait, unihockey, gimnastica artistica, triatlon, nudar, e.u.v.

Ultra dals gieus olimpics emetta la SSR dapi onns er **ils paralimpics**. Cun passa 14 uras reportascha en directa ha la SSR purschì l'onn passà ina plattaforma mediala naziunala er al sport da persunas cun impediments.

Funtauna: perscrutaziun dal martgà e dal public SSR 2016

## Sport – in'amur preziusa

- Cun emissiuns da sport en la televisiun na pon ins far nagins daners en Svizra. La producziun da **sport è pretensiusa e cumplexa**. En media cuvran la reclama ed il sponsoring sulettamain **10 fin 20 pertschient** dals custs cumplains per ils dretgs, la producziun e la derasaziun.
- Er occurrentas da sport sco gieus olimpics d'enviern u da stad na pon betg vegnir refinanziads cun la reclama. Quai mussa l'exempel dals **Gieus olimpics d'enviern 2014 a Sotschi** cun in grad da garanzia dad **unicamain 17 pertschient**.
- Nagina chasa da medias privata** na surigliass producziuns da sport fitg charas che n'en betg rentablas. Las consequenzas fissan fatalas. Bleras disciplinas na vegnissan insumma betg pli emessas u mo pli via pay-tv. Ina perdita per il sport e la Svizra.
- En l'Italia èsi per gronda part pussaivel da guardar transmissiuns en directa da gieus da ballape mo via pay-tv. **L'amatur da sport sto pajar bler.** Sulettamain per il pachet da ballape da Sky-TV paja in fan tant sco per la taxa da recepziun en Svizra.
- 450 francs taxas ad onn, quai èn var 1.20 francs a di e chasada per l'entira purschida da la SSR. La cumpart per il sport munta in tras l'auter a 13 pertschient, quai che signifga stgars 60 francs ad onn, respectivamain **16 raps a di**.



Funtauna: ©SRF

### Cifras en connex cun il program

Durant ils nov dis dal Tour de Suisse èn en acziun **passa 70 persunas**, diesch cameras, dus helicopters ed in avion per mussar maletgs attractivs. Ins fa en quel temp dapli che 1500 kilometers e l'infrastructura vegn mintga di montada e demontada da nov. En il ciclissem pon ins refinanziar sulettamain **4 pertschient** dals custs totals cun entradas commerzialas.

Per producir ils maletgs impressiunants da la cursa dal Lauberhorn s'engaschan **passa 120 persunas durant duas emnas**. 34 cameras èn necessarias per la producziun da la cursa rapida dals umens e mintg'onn ston vegnir transportadas passa 10 tonnas material.

Funtauna: perscrutaziun dal martgà e dal public SSR 2016, rapport dal Cussegli federal davart il service public 2016

## La SSR – ina partenaria fidada

- La SSR ha in grond know-how en la producziun d'occurrentas da sport e s'engascha sco partenaria a chaschun d'occurrentas da sport grondas e pitschnas en Svizra.
- Grazia a **l'experimentscha da blers onns** e la cumpetenza na vegn la SSR betg mo renconuschida en Svizra, mabain er a l'exterior sco partenaria fidada: ella derasa valurs sco qualitat e fidadidad en l'entir mund.
- La SSR producescha regularmain pitschens events sco la Lucerne Regatta, ils superfinals dad unihockey u il CSIO Son Gagl e contribuescha uschia essenzialmain a la cuntrada sportiva multifara da la Svizra.
- Grazia a la **cumpetenza e la fidadidad** producescha la SSR dapi il 2006 las concurrenzas da skis alpin dals gieus olimpics d'enviern, e quai er il 2018 a Pyeongchang.



Funtauna: ©Swiss Unihockey

### Cifras en connex cun il program

Las expensas da la SSR per il sport importan en media 200 milliuns francs ad onn (dretgs da sport, producziun, custs da realisaziun dals emetturs linguistic-regiunals). Cunquai ch'ina gronda part da quest custs n'en betg cuvrids, per els na fissi betg interessant da s'engaschar. Al sport svizzer mancassan entradas impurtantas.

La SSR ha produci il campiunadi mundial da ski alpin 2017 a San Murezzan per incumbensa da l'Uniu europeica da radio e televisiun e da la FIS per la Svizra e per in public potenzial da 650 milliuns aspectaturas ed aspectaturs en ulteriurs 20 pajais.

Funtauna: perscrutaziun dal martgà e dal public SSR 2016

